

di Roma a l' hospedal di mali Incurabeli nuovo ottenuto da questo Pontifice; comenza hozi primo April a vespero, et dura per tutto diman ch' è la Domenega di Lazaro. Et vi andò assa' zente; et quelli zentilhomeni et popolari hanno il governo di ditto hospedal, feno vardacuori di rasa rosa a tutti li amalati sì homeni come femene, et pareva molto bon; poi conzono, in la chiesia dove si predica ogni giorno la matina, et la festa da matina et poi disnar, alcuni sezendelli che feva grandissima devution. Sono in ditto hospedal da boche 150 in tutto; non ha intrada alcuna cossa e *tamen* concorre grandissime elemosine. Et per far nota de li prescidenti, sono questi:

Sier Vincenzo Grimani fo dil Serenissimo, è di la Zonta,

Sier Sebastian Justinian el cavalier, va podestà a Padoa,

non Sier Nicolò Michiel el dotor, va capitano a Bergamo,

Sier Sebastian Contarini el cavalier, fo podestà a Vicenza,

Sier Zuan Antonio Dandolo fo podestà a Cioza,

Sier Piero Badoer fo governador di l'intrade,

Sier Antonio Venier fo consier, qu. sier Marin procurator,

non Sier Agustin da Mulla va luogotenente in la Patria,

Sier Piero Contarini qu. sier Zacaria el cavalier,

Nicolò Duodo merchadante,

Francesco di Zuane da la Seda,

Domenego Honoradi telaruol.

intrarà qui perchè el baloterà in Pregadi e non sora le Pompe, sì che do volte fo stridato. *Item*, fo fato un di la Zonta, et essendo tolto sier Filippo Trun fo sinico e avogador in Levante qu. sier Priamo, sier Nicolò da Mosto fo di Pregadi per danari qu. sier Francesco, qual non è andà podestà et capitano a Feltre, et sier Andrea Arimondo *dul Banch* fo consolo a Damasco qu. sier Alvixe, et il quarto era debitor, e tutti tre balotadi non passono, *unde* sier Filippo Trun havea più numero di balote di altri, *ita* che trazendole dil no veria a romanir di do balote; per il che visto le leze, et *maxime* una dil 1413 ch' è in Leona a carte 234, che vol si numeri il Consejo, cosa zà assaissimi anni non osservata, et parse a la Signoria di far numerar il Consejo mandando fuora quelli erano cazadi a quella proua per veder il svario. Et al Consejo parse molto di novo tal. cosa; che si era più balote nel Trun dovevano far rebotar il Trun e non contar il Consejo; *tamen* niun disse altro e contà il Consejo trovano vario di 14 ballote di . . . di quello fo la prima volta al ditto sier Filippo Trun, *unde* terminono rebotarlo solo. Qual balotato, il Consejo si sdegnoe e non lo fece passar di più di 70 balote; sì che hozi si fece cosse nove. Però ho voluto farne nota a eterna memoria. Li Consieri erano sier Andrea Baxadonna, sier Francesco Bragadin, sier Marco Minio, sier Marin Zorzi dotor e sier Francesco Donado el cavalier; non era a Consejo sier Andrea Trivixan el cavalier.

1414, die 29 Aprilis, in Leona ad c. 234. 94

#### In Maiori Consilio.

Cum in proba Consiliarii Venetiarum D. D. reptæ sint ballotæ duodecim uni plus quam alteri, et dicatur per aliquem ex Consiliariis quod in sumando ballotas datæ fuerunt errore ballotæ decem pauciores numero vero qui dari debebat ad scribendum in cedulis electionum, et dubium oriatur inter Consiliarios, quia aliqui volent quod debeant numerari totum Consilium in illis videlicet qui posuerunt ballotam ad probam dictorum Consiliariorum, et numerato Consilio providebitur postea sicut iustum videbitur, et aliqui ex dictis Consiliariis habent opinionem quod probæ sint factæ cum ordine debito et quod non est expediens aliud agere super hoc, vadit pars in modum declarationis;

93\* A dì 2, Domenega. Da matina, fo lettere di Milan di l' Orator, lecte con li Cai di X, et da Brexa, dil Proveditor zeneral zerca danari.

Di Veia, di sier Agustin Valier provedador, di . . . Marzo, qual avisa certi danni ha fatto Turchi su quel di Bochali loco di Frangipani, et è nova turchi voleno tornar a Clissa.

Fu ballotà i 4 Savii a terra ferma, e fatto Cassier di Collegio sier Francesco Contarini.

Da poi disnar fo Gran Consejo, fu fato Podestà e capitano a Feltre sier Bernardo Balbi fo capitano in Cadore qu. sier Beneto, sì che hozi passoe, che do volte è slà fato et niun passoe. *Item*, altre voxe, et sora le Pompe sier Giacomo Pixani fo a le Razon Vechie fo di sier Domenego el cavalier per danari, el qual *etiam* hozi rimase oficial ai X officii,